

Headline **Jakim tempatkan Pegawai Atase Halal di Australia**  
Date **13. Feb 2008** Language **MALAY**  
Media Title **Utusan Malaysia** Page No **24**  
Section **Dalam Negeri** Article Size **66** cm2  
Circulation **238082** Frequency **Daily**  
Readership **833287** Color **Full Color**



## Jakim tempatkan Pegawai Atase Halal di Australia

PUTRAJAYA 12 Feb. - Jabatan Kemajuan Islam Malaysia (Jakim) akan menempatkan Pegawai Atase Hab Halal di Australia mulai bulan depan, kata Ketua Pengarahnya, Datuk Wan Mohammad Sheikh Abdul'Aziz.

Beliau memberitahu, atase tersebut akan bertanggungjawab menyelia dan memantau operasi 22 buah pusat penyembelihan lembu serta kambing di negara itu yang disahkan halal oleh Jabatan Perkhidmatan Haiwan Malaysia.

Katanya, ia juga akan turut memantau operasi 10 buah organisasi Islam di negara itu yang dilantik oleh Jakim untuk mengeluarkan sijil halal bagi produk yang akan dibawa masuk ke Malaysia.

"Pemilihan Australia dibuat kerana negara terbabit mempunyai badan Islam dan rumah penyembelihan yang paling banyak berbanding negara lain.

"Sehubungan itu, penempatan Pegawai Atase Hab Halal Jakim itu akan memastikan status halal produk dari negara terbabit lebih terjamin," katanya.

Beliau berkata demikian kepada pemberita selepas menandatangani Memorandum Persefahaman (MoU) antara Jakim dengan Universiti Putra Malaysia (UPM) di sini hari ini.